

軍 事

三百五十八

九 月

後各營哨弁非諳熟新操不准濫竽充數如該管帶等或以非其親暱故與爲難該哨長教習等或恃由省委挾制把持仍由巨不時遴委廉正之員分往密查聞見既確即當欽遵歷奉諭旨嚴參究辦律以軍法總期實事求是力祛錮習以仰副聖主憺念邊陲整飭戎行之至意所有現定新章八條相應繕具清單恭呈御覽謹奏奉硃批所擬新章尙能整頓積弊練兵處兵部知道軍併發欽此

河南巡撫陳奏添練常備軍請截留協餉以濟軍食摺

竊照豫省常備軍現已編成步隊屯營於奏報左翼成軍摺內擬逐漸添練馬礮工程各隊業經聲明在案屢與司道悉心商榷通盤籌畫足食方可足兵倘無大宗的餉以備供支則旋募旋裁練如未練顧本省常年額款久已入不抵出近奉諭旨新籌煙酒等稅及部咨籌辦各項非專案備撥即未集有成數河南本瘠苦之區若照直隸山東通商省分籌款真有榮枯之別就令搜求終慮缺額然擴充營隊保衛地方在他省均爲其難在豫省尤所當急即以鐵路中央樞紐南北綰轂而區區練足常備十營已嫌其少況並此而遷延不辦設有緩急責將誰歸此臣所以耿耿於懷難安寢饋者也惟是徹桑宜及未雨無米究何爲炊不得已思一移緩就急之謀冀仰邀聖慈鑒察查上次奏調毅軍三營一哨現時暫緩來

豫該軍原撥舊餉又協新餉做賦悉索無餘牖戶綢繆何暇近經直隸督臣袁世凱添練常備兩鎮各省奉撥協款至二百數十餘萬之多若就中通融勻湊將毅軍新協餉十二萬改歸直隸散放而豫省即可截留此款以紓羅掘之力藉充練兵之用一轉移間兩有裨益又查山東武衛軍協餉本嵩武軍調援鄰省之供早應在議裁之列籌解疲於累年近始分任一半乃豫省練兵的餉已苦無著又何能舍己芸人自置地方於不顧此項協餉銀九萬餘兩現擬暫免籌解以濟本省要需合計截留兩項亦祇二十餘萬兩添練馬礮工程各隊勉敷應用而採辦戰馬購置新式各種鋼礮及常年增添額支活支當須設法另籌若併此兩項而無之卽欲練馬礮各隊亦費躊躇矣夫使豫省財力苟可支持無論如何騰挪豈忍稍分畛域無如勢處萬難當爲鄰疆所共設直隸督臣袁世凱山東撫臣周馥素抱公忠力維大局旣屬唇齒相依亦當彼此掎角近日北洋兵力頗厚而東省常備之兵亦有二十餘營且入款較河南爲豐籌款亦較河南爲易直東分駐雄師而接壤之地守備單弱不足收策應之效不特貽誤地方並因之牽動全局固非臣之所敢出亦兩省疆臣所不願也合無仰懇 天恩俯准敕下練兵處戶部速議施行所有毅軍新協餉十二萬暨山東武衛軍認解之九萬兩暫免籌解悉數截留移緩就急一俟豫力能支應再商酌隨時 奏咨辦理謹

軍事

三百六十

九月

奏

署貴州巡撫李奏川黔各軍勦平妖匪請擇尤保獎摺

竊臣於光緒三十年正月初六日據署遵義府知府劉寅浚飛稟府屬仁懷縣三岔場地方有妖匪袁清芳袁均芳弟兄傳習邪教聚眾起事等情前來當即飛飭西路防營及地方文武督飭兵團剋期撲滅並嚴飭認真保護各教堂不得稍有疎失復由省防飛檄常備中營宋振鐸馳往查辦均經據情電奏在案於正月十二日傳奉諭旨李經羲電奏悉據稱仁懷縣屬地方有妖匪聚眾起事等情著該署撫嚴飭所屬各軍趕緊分別勦辦並著錫良就近飭營越紮以防竄擾務將該匪徒迅速撲滅並督飭認真保護各教堂毋稍疏虞欽此欽奉之下遵即電商四川督臣錫良立飭川軍營務處署永甯道趙爾豐統領道員劉兆庚就近調撥兵隊親督越剿臣經義復加派左營尹慶元後營成國柱陸續開赴以助聲勢並飭署遵義府劉寅浚親往督飭西路各營會商川軍相機辦理一面籌辦善後撫輯良民以散脅從而安反側旋據永甯道趙爾豐電稟督率各軍於正月十六日馳抵溫水十七日川軍統領劉兆庚黔軍遵義協副將余孝安西路統領江翰清等各帶兵隊繼至探悉袁匪住居三岔場背山面河路極險阻上年臘月以仇教爲名煽聚黨與潛謀起事尊其父袁顯猷爲